ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ ՈՐՈՇՈՒՄ 5/3

2 մարտի 2017 թվականի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՌԿԱ ՈՒՍՈՒՑՄԱՄԲ ՄԱԳԻՍՏՐԱՏՈՒՐԱՅԻ 2017/2018 ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով Երևանի պետական համալսարանի կանոնադրության 49-րդ կետի 4-րդ ենթակետով և ԵՊՀ գիտական խորհրդի կանոնակարգի 4-րդ կետի 3-րդ ենթակետով՝ Երևանի պետական համալսարանի գիտական խորհուրդը որոշում է.

- 1. Հաստատել Երևանի պետական համալսարանի առկա ուսուցմամբ մագիստրատուրայի 2017/2018 ուսումնական տարվա ընդունելության կանոնակարգը։
- 2. Սույն որոշումն ուժի մեջ է մտնում ընդունման պահից։

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Ա. Հ. ՍԻՄՈՆՅԱՆ

ԵՊ< գիտական խորհրդի նախագահ՝

Ա. Հ. Սիմոնյան

4UUNUU4UC4

Երևանի պետական համալսարանի առկա ուսուցմամբ մագիստրատուրայի 2017/2018 ուսումնական տարվա ընդունելության

- 1. Սույն կանոնակարգի իրավական հիմքերն են՝ «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքները, ՀՀ կրթության և գիտության նախարարի կողմից հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը», ԵՊՀ կանոնադրությունը և այլ իրավական ակտեր։
- 2. ԵՊՀ մագիստրատուրա մրցութային կարգով կարող են ընդունվել ՀՀ պետական և ըստ մասնագիտությունների հավատարմագրված (ինստիտուցիոնալ հավատարմագրում անցած) ոչ պետական բարձրագույն ուսումնական հաստատությունների բակալավրի կամ դիպլոմավորված մասնագետի որակավորում ունեցող անձինք։ Օտարերկրյա քաղաքացիների ընդունելությունը մագիստրատուրա կատարվում է հարցազրույցի հիման վրա։
- 3. Մագիստրատուրայի ընդունելությունը կազմակերպելու նպատակով կազմվում է ընդունող հանձնաժողով՝ ռեկտորի նախագահությամբ, ուսումնական աշխատանքների գծով պրոռեկտորի, ուսումնամեթոդական վարչության պետի, ուսումնամեթոդական վարչության մագիստրատուրայի բաժնի վարիչի անդամակցությամբ։ Ռեկտորի հրամանով ձևավորվում է մանդատային հանձնաժողով՝ ուսումնական աշխատանքների գծով պրոռեկտորի նախագահությամբ, ուսումնամեթոդական վարչության պետի, համապատասխան ֆակուլտետների դեկանների և ուսումնամեթոդական վարչության մագիստրատուրայի բաժնի աշխատակիցների անդամակցությամբ։ Քննությունների անցկացման համար պրոռեկտորի հրամանով ձևավորվում են առարկայական քննական հանձնաժողովներ, որոնց կազմում ներգրավվում են տվյալ ֆակուլտետի դեկանը, համապատասխան մագիստրոսական կրթական ծրագրերի ղեկավարները և րնդունող հանձնաժողովի ներկայացուցիչը (ըստ անհրաժեշտության)։
 - 4. Մագիստրատուրայի ընդունելությունը կատարվում է 3 փուլով.
- 4.1. **Առաջին փուլում** բանակի տարկետման իրավունքով անվճար համակարգ կարող են դիմել ԵՊ< բակալավրիատի տվյալ մասնագիտության ընթացիկ ուստարվա արական սեռի այն շրջանավարտները, որոնք ավարտական աշխատանքից և ամփոփիչ ատեստավորման քննությունից ստացել են 13 կամ ավելի բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ) կազմում է առնվազն 13։ Ընդունելությունը կատարվում է մրցութային հիմունքներով՝ մանդատային հանձնաժողովի երաշխավորության հիման վրա։

Հավասար ՄՈԳ-ի պարագայում առաջնահերթության կարգով հաշվի են առնվում հետևյալ լրացուցիչ չափանիշները.

- 1. գերազանցության դիպլոմի առկայություն,
- 2. ավարտական աշխատանքի և ամփոփիչ ատեստավորման քննության միավորների գումարը:
- 4.2. **Երկրորդ փուլում** անվճար համակարգ առանց բանակի տարկետման իրավունքի կարող են դիմել ԵՊ< բակալավրիատի առկա և հեռակա ուսուցման տվյալ մասնագիտության ընթացիկ ուստարվա այն շրջանավարտները, որոնք ավարտական աշխատանքից և ամփոփիչ ատեստավորման քննությունից ստացել են 13 կամ ավելի բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ) կազմում է առնվազն 13։ Ընդունելությունը կատարվում է մրցութային հիմունքներով՝ մանդատային հանձնաժողովի երաշխավորության հիման վրա։

ԵՊ<-ում միայն մագիստրատուրայում գործող մասնագիտություններով՝ 061104.00.7 - "Տեղեկատվական համակարգեր" (061104.02.7- "Տեղեկատվական համակարգերի մշակում", 061104.04.7- "Տեղեկատվական համակարգերի կառավարում"), 011101.00.7 - "Կրթական գիտություններ" (011102.04.-"Կրթության կազմակերպում"), 022803.00.7-"Հայագիտություն" (022803.01.7- "Հայագիտություն", 022803.02.7- "Սփյուռքագիտություն"), 031803.00.7 - "Եվրոպագիտություն" (031803.01.7- "Եվրոպագիտություն"), 031804.00.7 - "Հասարակայնության հետ կապեր" (031804.01.7 - "Հասարակայնության հետ կապեր"), ինչպես նաև ԵՊՀ Հայագիտական հետազոտությունների ինստիտուտի 031801.02.7 - "Ցեղասպանագիտություն" մագիստրոսական ծրագրի առաջին և երկրորդ փուլի դիմորդների ընդունելությունն անվճար համակարգ կատարվում է ընդունելության քննության արդյունքներով՝ մրցութային հիմունքներով։

Առաջին և երկրորդ փուլում 022101.00.7 - "Կրոնագիտություն" մասնագիտության անվճար համակարգի մրցույթին կարող են մասնակցել "Աստվածաբանություն" մասնագիտության բակալավրիատի շրջանավարտները ըստ իրենց ՄՈԳ-ի, 022202.00.7 - "Հնագիտություն" մասնագիտության անվճար համակարգի մրցույթին կարող են մասնակցել "Պատմություն" մասնագիտության շրջանավարտները ըստ իրենց ՄՈԳ-ի, 041201.00.7 - "Ֆինանսներ" և 041101.00.7 – "Հաշվապահական հաշվառում և հարկում" մասնագիտության անվճար համակարգի մրցույթին կարող են մասնակցել "Տնտեսագիտություն" մասնագիտության շրջանավարտները ըստ իրենց ՄՈԳ-ի, 023201.02.7 - "Միջմշակութային հաղորդակցություն /գերմաներեն լեզու, ֆրանսերեն լեզու, իսպաներեն լեզու, իտալերեն լեզու/" մասնագիտության անվճար համակարգի մրցույթին կարող են մասնակցել "Օտար լեցու և գրականություն" մասնագիտության շրջանավարտները ըստ իրենց ՄՈԳ-ի, 071403.03.7 - "Գերմեծ ինտեգրայ սխեմաներ" մագիստրոսական ծրագրի մագիստրատուրայի անվճար համակարգի մրցույթին "Ռադիոֆիզիկա" մասնագիտության գերմեծ ինտեգրալ սխեմաների կարող են մասնակցել նախագծում մասնագիտացման բակալավրիատի շրջանավարտները ըստ իրենց ՄՈԳ-ի։

"Մաթեմատիկա։Համակարգչային գիտություններ", "Կիրառական մաթեմատիկա "Թարգմանչական գործ՝գերմաներեն և ֆիզիկա", հայերեն", Թարգմանչական գործ՝ֆրանսերեն հայերեն", "Թարգմանչական գործ՝իսպաներեն u հայերեն", մասնագիտություններով բակալավրիատի շրջանավարտները անվճար համակարգի մրցույթին կարող են մասնակցել համապատասխանաբար "Ինֆորմատիկա (համակարգչային գիտություն)", "Ֆիզիկա", "Լեզվաբանություն" ("Միջմշակութային հաղորդակցություն/ըստ լեզուների/") մասնագիտություններով՝ ըստ իրենց ՄՈԳ-ի։ "Թարգմանչական գործ՝ռուսերեն և հայերեն", "Հունարեն լեզու և գրականություն" մասնագիտություններով բակալավրիատի շրջանավարտները անվճար համակարգի մրցույթին կարող են մասնակցել "Լեզվաբանություն" մասնագիտության "Միջմշակութային հաղորդակցություն՝ռուսաց լեզու" կրթական ծրագրով՝ըստ իրենց ՄՈԳ-ի։

091601.00.7 - "Ֆարմացիա" մասնագիտությամբ մագիստրատուրայի անվճար համակարգ կարող են դիմել միայն ԵՊՀ դեղագիտություն մասնագիտության ընթացիկ տարվա շրջանավարտները։

Երկրորդ փուլում վճարովի համակարգ կարող են դիմել ԵՊ< (նաև 4.1. կետի պահանջները չբավարարելու դեպքում) և այլ պետական ու ըստ մասնագիտությունների հավատարմագրված (ինստիտուցիոնալ հավատարմագրում անցած) ոչ պետական բուհերի առկա և հեռակա ուսուցման ընթացիկ և նախորդ տարիների շրջանավարտները։ Ընդունելությունը կատարվում է մրցութային հիմունքներով տվյալ մասնագիտության բակալավրի ամփոփիչ ատեստավորման քննական ծրագրին համապատասխան անցկացված քննության արդյունքներով։ Ընդունելության վերաբերյալ որոշումը կայացնում է ընդունող հանձնաժողովը՝ առարկայական քննական հանձնաժողովների ներկայացրած արձանագրությունների հիման վրա։ 4.1 կետի պահանջները բավարարող դիմորդները վճարովի համակարգ ընդունվում են առանց ընդունելության քննության։

042101.00.7 - "Իրավագիտություն" մասնագիտությամբ մագիստրատուրայի անվճար և վճարովի համակարգ կարող են դիմել միայն "Իրավագիտություն" մասնագիտության իրավագիտության բակալավրի որակավորում ունեցող շրջանավարտները։

091601.00.7 - "Ֆարմացիա" մասնագիտությամբ մագիստրատուրայի վճարովի համակարգ կարող են դիմել դեղագիտություն մասնագիտության և հարակից մասնագիտությունների շրջանավարտները։ Հարակից մասնագիտությունների ցանկը հաստատում է ֆարմացիայի ինստիտուտի գիտական խորհուրդը։

4.3. **Երրորդ փուլում** անվճար (բանակից զորացրված (ԲՋ) դիմորդների համար նախատեսված տեղերի շրջանակներում) համակարգ կարող են դիմել ԵՊ< տվյալ մասնագիտությամբ բակալավրի որակավորում ունեցող << Ազգային բանակում ծառայած և վերջին երեք տարվա ընթացքում զորացրված դիմորդները։ Ընդունելությունը կատարվում է առանց քննության մրցութային կարգով՝ նախորդող ուսումնառության դիպլոմի հավելվածում գրանցված առարկաների ՄՈԳ-ի հիման վրա։ Ընդունելության վերաբերյալ որոշումը կայացնում է ընդունող հանձնաժողովը՝ մանդատային հանձնաժողովի երաշխավորության հիման վրա։

Անվճար համակարգի մրցույթից դուրս մնացած << Ազգային բանակում ծառայած և վերջին երեք տարվա ընթացքում զորացրված դիմորդները վճարովի համակարգ ընդունվում են առանց ընդունելության քննության, բացառությամբ "Իրավագիտություն" մասնագիտության, որտեղ ընդունելությունը կատարվում է հարցազրույցի հիման վրա։

Մասնագիտության փոփոխման պարագայում ԵՊՀ շրջանավարտների կամ այլ ԲՈՒՀ-երի շրջանավարտների, ինչպես նաև ՀՀ Ազգային բանակում ծառայած և երեք տարի առաջ զորացրված դիմորդների ընդունելությունը կատարվում է միայն վճարովի համակարգում՝ տվյալ մասնագիտության բակալավրի ամփոփիչ ատեստավորման ծրագրին համապատասխան անցկացված քննության արդյունքներով։ Ընդունելության վերաբերյալ որոշումը կայացնում է ընդունող հանձնաժողովը՝ առարկայական քննական հանձնաժողովների ներկայացրած արձանագրությունների հիման վրա։

Երրորդ փուլով մագիստրատուրայի վճարովի համակարգ կարող են դիմել նաև առաջին և երկրորդ փուլում ժամանակին չդիմած անձինք։ Անվճար համակարգի ընդունելության պահանջներին բավարարող դիմորդները վճարովի համակարգ են ընդունվում առանց րնդունելության քննության։

- 5. Դիմորդները ներկալացնում են հետևյալ փաստաթղթերը.
 - մագիստրատուրայի ընդունելության դիմում-հայտ։Դիմում-հայտում դիմորդը կարող է նշել առավելագույնը 2 մագիստրոսական ծրագիր՝ըստ նախապատվության։Հայտում նշված առաջին ծրագրի չբացվելու դեպքում դիմորդը մասնակցում է երկրորդ ծրագրի մրցույթին։ Ծրագիրը չի բացվում, եթե ուսանողների թիվը չի համապատասխանում "ԵՊՀ դասախոսական կազմի ուսումնական բեռնվածության հաշվարկի նորմերին"։
 - բարձրագույն կրթության դիպլոմի և նրա հավելվածի բնագրերն ու պատճեններ,
 - 4 լուսանկար (3x4 չափսի),
 - զինվորական գրքուլկի բնագիրն ու պատճեն (առկալության դեպքում),
 - անձնագրի պատճեն
 - ընդունելության ծառայությունների համար գանձվող 1000 դրամի վճարի անդորրագիր։
- 6. Ընդունելության փաստաթղթերն ընդունվում են՝ 1-ին փուլով՝ մայիսի 22-ից մինչև հունիսի 2-ը, 2-րդ փուլով՝ մայիսի 22-ից մինչև հուլիսի 3-ը, 3-րդ փուլով՝ հուլիսի10-ից մինչև օգոստոսի 25-ր։

Ընդունելությունը կատարվում է՝ 1-ին փուլով՝ հունիսի 6-ից մինչև հունիսի 8-ը, 2-րդ փուլով՝ հուլիսի 6-ից մինչև հուլիսի 8-ը, 3-րդ փուլով՝ օգոստոսի 29-ից մինչև օգոստոսի 31-ը։

7. Մագիստրատուրայի վճարովի համակարգ ընդունված դիմորդների հրամանագրումը կատարվում է ուսման վարձը 15-օրյա ժամկետում (2-րդ փուլում մինչև հուլիսի 24-ը, 3-րդ փուլում մինչև սեպտեմբերի 15-ը) վճարելուց հետո՝ ըստ մասնագիտությունների և մագիստրոսական ծրագրերի։